

家礼仪节

立人之道莫大於礼，礼不可斯须去者也。周官掌於大宗伯者，其经有五，其别三十有六；宋儒朱文公家礼定为冠、婚、丧、祭四条，盖择其宜於家者用之也。今按朱子旧文参以时制详著於篇，庶族众得所持循不至依比无之也。

冠礼

男子年十五至皆可冠，必父母无期以上丧治可行之，前期三日，主人告於祠堂，戒宾前一日宿宾陈设，厥明夙兴陈冠服，主人以下序立，宾至主人迎入升堂，宾揖，将冠者就席，为加冠巾冠者适房，服深衣纳履出，再加帽子，服皂衫革带击鞋，三加幘头，公服革带纳靴执笏，若襁衫纳靴乃醮宾字，冠者出就次主人以冠者见於祠堂，冠者见於尊长乃礼宾，冠者遂出，见於乡先生及父之执友。

女子许嫁笄母为主，前期三日戒宾，一日宿宾陈设，厥明陈服序立，宾至主妇迎入升堂，宾为将笄者加冠，笄适房服背子乃醮乃字乃礼宾，皆如冠仪。

婚礼

男子年十六至三十、女子年十四至二十，身及主婚者无期以上丧，乃可议婚，必先使媒氏往来通言，俟女氏许之，然后纳采次纳币。

杨氏曰：婚礼有纳采、问名、纳吉、征纳、请期、亲迎六礼。家礼略去问名纳吉，只用纳采、纳币以从简便，但亲迎以前更有请期一节，有不可得而略者，谨按纳采、纳币。今世俗合为一，礼书式随时变用，故不复赘，请期一节今俗通行，其礼节书式旧遵杨氏之意。今宜改良。

纳采：纳其采择之礼，即今世俗所谓言定也。

纳币：币用色缙，贫富随宜，少不过两，多不逾十。今人更用钗钏羊酒果实之属亦可也。

请期：男具书遣使如女氏，女氏受书，复书，礼宾使者复命，亦同纳采之仪。

亲迎：前期一日，女氏使人张陈其婿之室。

厥明婿家设位於室中，女家设次於外。

初婚，婿盛服，主人告於祠堂，遂醮其子而命之迎，婿出乘马至女家俟於次，女家主人告於祠堂遂醮其女而命之。

主人出迎，婿入奠雁姆奉女出登车，婿乘马，先妇，车至其家，导妇以入，婿妇交拜就坐，食毕婿出，复入脱服秉烛出，主人礼宾妇见舅姑。

明日夙兴妇见於舅姑，舅姑礼之，妇见於诸尊长，若冢妇则馈余舅姑，舅姑飧之。

婿见妇之父母，明日婿往见妇之父母，次见妇党诸亲，妇家礼婿如常仪。

丧礼

病疾时迁居正寝，若病势不可起，则设床於正寝中，子弟扶病者出居床上东首，以受生气。既迁则戒内外安静，毋得喧哗惊扰，令人坐其旁视手足，男子不绝於妇人之手，妇人不絶於男之手，遗书言去故，

衣加新衣，加之时手足各一人，俟气绝废床寝地，楔齿举哀，男女哭擗无数，盖生死异而永诀正於此也。

立丧主：凡主人谓长子，无则长孙承重，以奉饘奠，其与宾客为礼，则同居之亲且尊者主之。

主妇：谓亡者之妻，无则主丧者之妻。

护丧：以子弟知礼能干者为之，凡丧事皆禀之。

治棺：邱文庄曰：人至六十则死期将近矣，故预为制之，恐其一旦不测，仓卒之变难於措置，纵能成之亦多苟且，取具木若非良漆亦不固，或当暑月遂至秽恶外闻，孝子事亲乌不以先事为备哉。

讣告於亲戚僚友：朱子曰，今法长子死，则主父丧用次子不用侄，若宗子法立则用长子之子。

凡父丧称孤子，母丧称哀子，继母、嫡母、后母皆同父母丧，称孤哀子。

祖父母丧称期服孙，嫡孙之父先歿称承重孙。

曾祖父母丧，称齐服曾孙，嫡曾孙之祖父先歿，称承重曾孙。

高祖父母丧，称齐服元孙，嫡元孙之曾祖父先歿，称承重力孙，嫡孙祖父在而遇祖母丧，称杖期孙；生母养母慈母丧称斩哀子。庶母出，母嫁、母丧称杖期子，继出者为本生父母丧称降服子，妻丧

元配称杖期生，继配称期服生，父母有一在者，元配亦不杖，长子丧称杖期生，众子丧称期服生，众媳丧称功服生，众孙媳曾元孙丧称總服生，伯叔父母丧称服侄，已有父母丧遇他丧百日内称孤哀子，一外称在制某服。

小殓：厥明执事者陈小殓衣衾捧遂含於死者之口。

大殓：厥明执事者陈大殓衣衾，举棺置衾，棺中垂，其裔於四外举尸於棺，收衾，凭哭尽哀盖棺。

成服：厥明五服之人各服其服，然后朝哭相吊如仪。其服之制，斩衰三年，斩不緝也，衣裳皆用极粗生布，旁及下际皆不緝也，背有负版，当心有衰，左右有辟领。齐衰三年：衰緝也，其衣裳冠制并如斩衰，但用次等粗生布緝其旁及下际。

杖期：服制同上，但又用次等生布。

五月：服制同上，其正服则为曾祖父母。

三月：服制同上，其正服则为高祖父母。

大功九月：服制同上，但用稍粗熟布无负版衰辟领。

小功五月：服制同上，但用稍熟细布。

總麻三月：服制同上但用极细熟布。

凡为殤服以次降一等，凡年十六至十九为长殤，十二至十五为中殤，八岁至十一为下殤。应服期者长殤降服大功九月，中殤七月，下殤小功五月，应服大功以下以次降等。不满八岁为无服之殤，哭之以日易月，男子已妻，女子许嫁皆不为殤。

凡男为人后，女适人者为其私亲，皆降一等，私亲之为之也亦然，成服之日主人及兄弟始食粥；凡重丧未除而遭轻丧，则制其服而哭之，月朔设位，服其设而哭之，既毕返，重设其除之也，亦服轻服，若除重丧而轻服未除，则服轻服以终其余日。

时祭礼仪 从俗改良

孔子曰：祭，思敬，是祭以敬为主，前期三日斋戒沐浴更衣，主人率众人致斋於外，主妇率众妇致斋於内，不饮酒，不茹荤，不吊丧，不听乐。凡凶秽之事皆不得，预前一日设位陈器省牲具饌皆要精洁，然后恭行祭礼。

礼仪（大赞上堂左立西向呼），肃静，各执事者序立，恭行祭礼，起头鼓，升头炮，鸣金一道，张号，作大乐，大乐止，作小乐，侍食案者升拜位，北面揖（向祖位），进诣食案前（由东西阶齐上），排班，对揖，各立食案侧，设饌，设爵，设箸，设勺，设酒，设茗，设庶馐，设羹汤，设果品，设菜盛，侍香案者升拜位，北面揖（向祖位），进诣香案前（由东西阶齐上），排班，对揖，各立香案侧，设毛血，设茅沙，设楮，设帛，设黄，小乐止。起二鼓，申二炮，鸣金二道，张号，作大乐，大乐止，作小乐，省牲者升拜位，北面揖（向祖位），进诣牲所（设於左右侧），小乐止，省牲（一羊一豕礼亚少牢博硕肥循取其血膏），牲省毕，信小乐，复拜位，北面揖，退位，省饌者升拜位，北面揖（向祖位），进诣饌所（侍於食案右侧），小乐止，省饌（于豆于登，是享是蒸；告洁告备，来格来歆），饌省毕，作小乐，复拜位，北面揖，退位，省具者升拜位，北面揖，祭诣具所（设於食案左），小乐止，省具（鼓钟皇皇，磬管锵锵；至止肃肃，降福穰乚），具省毕，作小乐，复拜位，北向揖，退位，小乐止，起三鼓，申三炮，鸣金三道，张号，作大乐，大乐止，作小乐，执事者击磬九声，出主，点主者升拜位，北面揖，进诣祖位前由东阶上揖跪。执事者捧朱笔，授笔，乐止，点主（笔握一枝，精神挺炼，毫将丹染，主凭丹炼画龙点睛，飞升上殿，佑启后人，福祿绵远），主点毕笔后发，作小乐，叩首（凡三），兴，复拜位（由西阶下），北面揖，退位，宣主者升拜位，北面揖，进诣祖位前（由东阶上），跪，小乐止，宣主，宣主毕，作小乐，复拜位（由西阶下），北面揖，退位，引礼者升拜位，北面揖，排班，对揖，主祭者升拜位，北面揖，揖左相，左相答拜，揖右相，右相答拜，引礼者引主祭者进诣盥洗所（设於东阶下），执事者捧汤盘，授巾，主祭者盥洗，浣洗毕，引礼者引主祭者侧立西阶，整冠，束带，撩衣，拂尘，引礼者引主祭者复拜位，鞠躬，拜，兴（凡四），引礼者引主祭者诣香案前行启神礼（由东阶上），跪，执事者燃香，初上香（主祭者两手合举），亚上香，三上香，献毛血，献茅沙，执事者授爵，进酒，酌酒於茅沙，反爵，献蒿，献脂，执事者迁炉焚蒿，燃脂，献启神文，主祭者俯伏，读启神文者升拜位，北面揖，进诣香案前（由西阶上），跪，乐止，宣读启神文（金炉缥缈，玉液芬芳，陟降左右，君心蒿凄怆，以妥以侑，来来格尝，先灵降鉴，赐福无疆。），文宣毕，作小乐，读文者兴，复拜位，北面揖，退位，焚启神文，主祭者兴，引礼者引主祭者复拜位（由西阶下），拜，兴，四引礼者引主祭者诣香案前行初献礼，跪，执事者燃香，初上香，亚上香，三上香，兴，引礼者引主祭者复拜位行初上香礼，跪，叩首（凡三），兴，引礼者引主祭者诣食案前行初献礼，跪，侍饌者捧箸，进

箸，初进爵，亚进爵，三进爵，进汤匙，初进饌，亚进饌，三进饌，进酒，进面食，进汤，献帛，献楮，献黄，献祭文，主祭者俯伏，读祭文者升拜位，北面揖，进诣食案前（由西阶上），跪，乐止，宣读祭文，文宣毕，作小乐，读文者兴，复拜位，比面揖，退位，主祭者兴，引礼者引主祭者复拜位行初献礼，拜，兴（凡四），退位休息，壹志凝神，读初献祝文者升拜位，比面揖，进诣饌案前，跪，乐止，宣读初献祝文（礼仪既备，绥我思成，礼行初献，神其来临），文宣毕，作小乐，读文者兴，复拜位，北面揖，退位，歌诗者升拜位，北面揖，乐止，歌诵楚茨首二章（楚楚者茨，言抽其棘，自昔何为，我执黍稷，我黍与与，我稷翼翼，我仓既盈，我庾维亿，以为酒食，以享以祀，以妥以侑，以介喜福，济济跼跼，挈尔牛羊，以往蒸尝，或剥或烹，或肆或将，祝祭于初，祀事孔明，先祖是皇，神保是飨，孝孙有庆，报以介福，万寿无疆。），歌诗毕，作小乐，复拜位，北面揖，退位，小乐止，作大乐，以终初献礼，大乐止，作小乐，引礼者引主祭者诣香案前，行亚献礼，执事者燃香，初上香，亚上香，三上香，主祭者俯伏，读亚献祝文者升拜位，北面揖，进诣香案前，跪，乐止，宣读亚祝文（乐具入奏，尔淆既将，礼行亚献，神其来尝），文宣毕，作小乐，读文者兴，复拜位，比面揖，退位，主祭者兴，引礼者引主祭者复拜位（行亚上香礼），跪，叩首（凡三），兴，引礼者引主祭者诣食案前行亚献礼，侍食者捧饌，初进饌，亚进饌，三进饌，进酒，进面食，进羹汤，献黄，献楮，主祭者俯伏，读祝哽文者升拜位，比面揖，进诣食案前，跪，乐止，宣读祝哽文（有酒盈樽，嘉淆在御，式食庶几，俎豆孔庶），文宣毕，作小乐，读文者兴，复拜位，北面揖，退位，主祭者兴，引礼者引主祭者复拜位行亚献礼，拜，兴（凡四），退位休息，壹志凝神，读参神文者升拜位，北面揖，进诣食案前，跪，乐止，宣读参神文（瞻仰尊灵，灵爽式凭，频繁以荐，俎豆其馨，粢盛既洁，牺牲既成，我将我享，既戒既平），文宣毕，作小乐，读文者兴复拜位，北面揖，退位，歌楚茨者升拜位，北面揖，乐止，歌诵楚茨中二章（执爨措匕，为俎孔硕，或燔或炙，君妇莫匕，为豆孔庶，为宾为客，献酬交错，礼仪卒度，笑语卒获，神保是格，报以介福，万寿攸酢，我孔叹矣，式礼莫愆，工祝致告，祖赉孝孙，苾芬孝祀，神嗜饮食，卜尔百福，如几如式，既齐既稷，既匡既勅，永赐尔极，时万时亿），歌诗毕，作小乐，比面揖，退位，小乐止，作大乐，以终亚献礼，大乐止，作小乐，引礼者引主祭者诣香案前行三献礼，跪，执事者燃香，安上香，亚上香，三上香，兴，引礼者引主祭者复拜位行三上香礼，跪，叩首（凡三），兴，引礼者引主祭者诣食案前行三献礼，跪，侍饌者捧饌，初进饌，亚进饌，三进饌，进酒，进羹汤，进面食，进果品，进炙肉，初进粢盛，亚进粢盛，三进粢盛，点茶，主祭者兴，执事者授箸，侍侧侑食，反箸，复位，引礼者引主祭者诣饮福受胙位，跪，致福酒，祭酒，啐酒，反爵，致福胙，啐胙，主祭者俯伏，述嘏辞者升拜位，北面揖，进诣胙所，南面立，乐止，述读嘏辞（惟祖有命，工祝以传，赉汝孝孙，俾汝不愆，受禄于君，宜稼于田，子子孙孙，眉寿引年），辞宣毕，作小乐，复拜位，北面揖，

退位，主祭者兴，引礼者引主祭者复拜位，以终三献礼拜，兴（凡四），退位休息，壹志凝神，读三献祝文者升拜位，北面揖，进诣食案前，跪，乐止，宣读三献祝文（三献既毕，于焉骏奔，乐具入奏，绥我思成），文宣毕，作小乐，读文者兴，复拜位，北面揖，退位，歌楚茨者升拜位，北面揖，乐止，歌颂楚茨后二章（礼仪既备，钟鼓既戒，孝孙徂位，工祝致告，神具醉止，皇尸载起，鼓钟送尸，神保聿归，诸宰君妇，废彻不迟，诸父兄弟，备言燕私，乐具入奏，以绥后禄，尔湑既将，莫怨具庆，既醉既饱，小大稽首，神嗜饮食，使君寿考，孔惠孔时，维其尽之，子子孙孙，勿替引之，）歌诗毕，作小乐，复拜位，北面揖，退位，小乐止，作大乐，以终三献礼，大乐止，作小乐，引礼者引主祭者诣香案前行辞神礼，跪，执事者燃香，初上香，亚上香，三上香，澈毛血，缩茅沙，献辞神文，主祭者俯伏，读辞神文者升拜位，北面揖，进诣香案前，跪，乐止，宣读辞神文（礼有五经，莫大于祭，祀事既成，神明越对，成始成终，回鸾返布，胡考绵休，馨香勿替），文宣毕，作小乐，读文者兴，复拜位，北面揖，退位，焚辞神文，主祭者兴，引礼者引主祭者复拜位恭行辞神礼拜，兴（凡四），跪，主祭者俯伏，司磬者击磬三声，侍事者纳主，主祭者，平身，叩首（凡三），兴，侍食案前捧帛，捧黄，捧楮，捧爵，读祭文者捧祭文，读祝者文捧祝文，侍香案者，捧香，捧毛血，捧茅沙，小乐止，作大乐，同赴燎所，鼓乐随行，申炮，司响，焚帛，焚黄，焚楮，焚祭文，焚祝文，奠酒，瘞毛血，倾茅沙，主祭者三揖送神，执事者同揖，各复其位，大乐止，作小乐，引礼者引主祭者诣香案前行安神礼，跪，执事者燃香，初上香，亚上香，三上香，献安神文，主祭者俯伏，读安神文者升拜位，北面揖，进诣香案前，跪，小乐止，宣读安神文（礼既成兮，告辞告退，安祝英灵，不祧世百），文宣毕，作小乐，读文者兴，复拜位，北面揖，退位，焚安神文，主祭者兴，引礼者引主祭者复拜位，行安神礼，拜，兴（凡四），三揖安神，揖左相，左相答拜，揖右相，右相答拜，礼毕退位，侍食案者彻饌，彻粢盛，彻爵，彻勺，彻箸，彻果品，彻面食，彻羹汤，引礼者复拜位，北面揖，排班，对揖，站立东阶，侍食案者复拜位，北面揖，排班，对揖，站立西阶，侍香案者复拜位，北面揖，排班，对揖，站立西阶，侍香案者复拜位，北面揖，排班，对揖，站立西阶，东西对揖，散班，读文者升拜位，北面揖，排班，对揖，散班，歌诗者升拜位，北面揖，排班，对揖，散班，礼毕，小乐止，作大乐，升炮，司响，团拜。

凡祭各尽诚敬之心，而已无论庙祭家祭须量力而行，以如其分。

附祭文式

时维

民国某年岁官干支某月朔日干支越祭日干支孝孙。

某等


谨具刚鬣柔毛酒体庶馐香楮之仪敢昭告於。

考世祖 之位前跪而言曰，于豆于登，来格来歆，尚飨。

冠婚丧祭图说


文公家礼之作，治图与教家洵不可须臾离也，四礼之仪文，家长平时口讲指画虽有传授，子弟不茫然者鲜矣，所以各绘一图俾子孙按图索意得知，冠者受幅巾之加婚娶，行奠雁之礼，与夫丧礼有五服，重轻之别，祭礼循升降拜跪之仪，一览而知，可心了如指掌。

长子众子冠礼之图



始加祝曰：令月吉晶始加元服，弃尔幼志，顺以成德，寿考维祺，介尔景福，加幅巾。再加祝曰：吉月令辰再申尔服，谨尔威仪，淑慎尔德，眉寿万年，永受胡福，加纱帽，如无官者，加乎定巾，三加祝曰：以岁之正，以月之合，咸加尔服兄弟在，具以成厥德，加幘头，如无官者加儒巾，宾揖冠者，即醮席祝曰：旨酒既清，如荐令芳，拜受祭之，以定永祥，承天之佑，寿考不忘。宾字冠者曰：礼仪既备，吉月今辰，昭示尔字，爰字孔加，髦士攸宜，宜之于嘏，永保受之，字某冠者付辞曰：某不敏，敢不夙夜祗奉，谢宾，行再拜礼。主人以冠者见祠堂序立，盥洗启榭出，主降神焚香酌酒，再拜参神，再拜主人，斟酒，主人点茶，再拜告曰：某人今日告冠毕，敢见回拜纳主。拜父母拜尊长礼宾

婚礼之图



丧服总图

三年	斩衰
用至粗麻布为之不缝下边	
有杖期有不杖期有五月有三月	齐衰
用稍粗麻布为之不缝下边	
九月	大功
用稍细生麻布为之	
五月	小功
用细生麻布为之	
三月	緦麻
用稍细熟布为之	

三父八母服制之图

同居：继父父子皆无大功以上亲乃义服不杖期，不同居：谓先随母嫁继父同居后异或虽同居而继父父子已有大功以上亲服齐衰三月，元不同居则无服，附异父同母之姊妹各服小功

嫡母	继母
妾生子谓父正室曰嫡母正服斩衰三年母与嫡子亦报服。为众子则服不杖期。庶子为嫡母之父母兄弟姊妹小功父母死不服	谓父再娶之母义服斩衰三年。继母为长子报服齐衰杖期。为众子乃服不杖期。继母出则无服。若父卒继母嫁而已从之乃服杖期继母报服不杖期
庶母	

谓父妾之有子者众子为之义服缌麻，士之庶子为其母斩衰三年为父后则降。庶子为父后者为其母缌而为其母之父母兄弟姊妹则无服。庶子之子为父之母不杖期而为祖后则无服，庶母为其子为君之众子齐衰不杖期。为君之长子齐衰杖期，妾为君斩衰三年为君女不杖期，庶母慈已者谓自小乳养已者义服小功，附：古制嫡于止服缌麻今改为齐衰杖期庶子为生母服斩衰三年虽嫡母在堂亦服。

慈母	乳母 养母
谓庶子无母而父命子者他妾之无慈已也同亲母义服斩衰三年不命则小功，附：今不命亦服斩衰三年。	谓自小乳哺曰乳母义服缌麻谓养同宗及三岁以下遗弃之子者与亲母同正服斩衰三年
出母	嫁母
谓被父离弃降服杖期母为子降期不杖期。子为父后者则不服，女适人为出母乃降服大功女为母亦报服。	谓父亡母出嫁降服杖期母为子乃服不杖期。女子已适人者乃服大功母为发报服。子为父后者不服。前夫之子从已嫁者服不杖期。

妻为夫族服图

夫母及夫 服承祖重 者并高祖 从		夫高祖父母		大为夫 功本为 生人后 舅姑其 服妻		
		总麻				
		夫曾祖父母				
		总麻				
		夫伯叔祖母	夫祖父母	夫祖姑		
		总麻	大功	总麻		
夫堂伯叔 父母	夫伯叔父母	舅姑	夫亲姑	夫堂姑		
总麻	总麻	斩衰三年	小功	总麻		
夫堂兄弟	夫兄弟姊妹	夫	夫姊妹	夫堂姊妹		
总麻	小功	斩衰三年	小功	总麻		
夫从堂侄	夫堂侄 妇	夫侄 妇	子 妇	夫侄女	夫堂侄女	夫从堂 侄女
总麻	小功 总麻	大功 期年	长子不杖期, 众子不杖期, 嫡妇期年, 众妇大功	期年	小功	总麻
	夫堂侄孙	夫侄孙 妇	孙 妇	夫侄 孙女	夫堂侄孙女	
	总麻	小功 总麻	大功 总麻	小功	总麻	
		夫曾侄孙	曾孙	夫曾侄孙女		
		总麻	总麻	总麻		
			玄孙			
			总麻			

妾为家长族服之图

义服妾 服小为 大功家 功为祖 其父已 母孙义		家长父母		正子妹母如期妾 服为俱之路年为 不其无父人为其 杖父服母庶其父 期之庶兄子私母 生子弟为亲降 母之姊其则服	
		义父齐衰期年			
		家长	正妻		
		义服斩衰三年	义服齐衰期年		
家长众子	家长长子	为其已子			
义服齐衰期年	义服齐衰期年	正服齐衰期年			

出嫁女為本宗降服之圖


今制出嫁女為本宗兄弟妻堂兄弟妻及侄婦俱不列服制按妻為夫族服圖為夫之親姑為夫兄弟俱義服小功為夫之。

堂兄弟妻義服總麻則出嫁親姑之於侄婦出嫁姊妹之於兄弟妻疑當報服小功出嫁姊妹於堂兄弟妻亦當報服總麻。		高祖父母 齊衰 三月					
		曾祖父母 齊衰 五月					
	祖姑 總麻 嫁無服	祖父母 齊衰 期年	伯祖父母 總麻				
堂姑 總麻 家無服	姑 大功 嫁小功	父母 齊衰 期年	伯叔父母 大功	堂伯叔父母 總麻			
堂姊妹 小功 總麻	姊妹 大功 嫁小功	己身	兄弟 大功 妻小功	堂兄弟 小功 兄弟妻 總麻			
堂侄女 總麻 家無服	侄女 大功 嫁小功	侄婦 小功	堂侄 無服 大功	堂侄 總麻			

外族母党妻党圖

	<p>外祖父 小功 <small>婦人為夫外祖 父母總麻</small></p>	<p>凡母黨妻黨之親 <small>今未列其圖者俱 無服</small></p>
<p>從母 小功 <small>婦人為夫從母總麻 母之姊妹</small></p>	<p>妻父母 總麻 <small>妻亡別娶亦同 妻親母雖嫁出猶服</small></p>	<p>舅 小功 <small>母之兄弟 婦人為夫之舅總麻</small></p>
<p>從母之子 小功 <small>謂從母之子也 兩姨兄弟姊妹</small></p>	<p>己身</p>	<p>舅姑之子 總麻 <small>姑之子曰外兄弟 舅之子曰內兄弟</small></p>
<p>甥女 小功 <small>姊妹之女 曰甥女</small></p>	<p>婿 總麻</p>	<p>甥 小功 <small>姊妹之子 曰甥 總麻</small></p>
	<p>外孫 總麻 <small>女之子也 婦服并同</small></p>	

正寢時祭之圖



每位設饌舊圖

考位					妣位						
飯	盞盤	匙筋	醋碟	羹	飯	盞盤	匙筋	醋碟	羹		
面食	肉	炙肝	魚	米食	面食	肉	炙肝	魚	米食		
脯醢	蔬菜										
果	果	果	果	果	果	果	果	果	果	果	果

兩位并設饌圖

考		妣	
或茶食或面 或米隨宜			無爵用盞 肉或脯或醢
<p>按舊圖考妣每位各設饌則四代該八桌矣今人家厅事多狹隘恐不能容今擬考妣兩位共一桌設饌如世俗所謂桌面者庶几可行若夫地寬可容者自當如禮</p>			